

## დანართი I

### ჰაბების ფუნქციები სამუშაო პაკეტების მიხედვით

რეგიონული ჰაბი ახორციელებს საკუთარ აქტივობებს. გარდა ამისა, ჰაბი, თავისი რეგიონის ფარგლებში, აქტიურად არის ჩართული სამოქალაქო საზოგადოების ინიციატივის პროექტის ძირითადი ღონისძიებების დაგეგმვა-განხორციელებაში პროექტის კონსორციუმის წევრ ორგანიზაციებთან ერთად. ქვემოთ წარმოდგენილია რეგიონული ჰაბების ჩართულობის ზოგადი მიმოხილვა პროექტის სამუშაო პაკეტების მიხედვით. ჰაბად შერჩეულ ორგანიზაციასთან გაიმართება დამატებითი კონსულტაციები ამ ფუნქციების დეტალიზაციის მიზნით.

ძირითად პროექტში არის **6 სამუშაო პაკეტი (კლასტერი)**, რომელიც მოიცავს 28 მსხვილ აქტივობას (შედგება ცალ-ცალკე ქვეაქტივობებისგან):

#### ⇒ სამუშაო პაკეტი 0

არის **ე.წ. გამჭოლი აქტივობების** ნაკრები და ემსახურება ყველა დანარჩენ პაკეტს. იგი ძირითადად მოიცავს კვლევებს. ჰაბის ჩართულობა კი გულისხმობს კვლევების განხორციელებისთვის საჭირო სავსე სამუშაოებში მონაწილეობას, ასევე კვლევის შედეგების განხილვა-პოპულარიზებას შესაბამის რეგიონში.

#### ⇒ სამუშაო პაკეტი 1

ეხება სამოქალაქო საზოგადოების ორგანიზაციების (სსო) გარემოს გაუმჯობესებას და ძირითადად მოიცავს ადვოკატირების აქტივობებს, რომლების მიზანია სსო-ების სახელმწიფო დაფინანსების გამჭვირვალობა და სსო-ების საგადასახადო გარემოს გაუმჯობესება. ჰაბების ჩართულობა გულისხმობს აქტივობის ფარგლებში გათვალისწინებული კვლევების სავსე სამუშაოების, ასევე რეგიონული დისკუსიებისა და ტრენინგების დაგეგმვა-განხორციელებაში მონაწილეობას.

⇒ სამუშაო პაკეტი 2

ეხება სსო-ების დაფინანსების წყაროების გამრავალფეროვნებას და სექტორებს შორის თანამშრომლობას და მოიცავს დაფინანსების ალტერნატიული წყაროების მოკვლევას-პილოტირებისა და კორპორაციულ სოციალურ პასუხისმგებლობის პოპულარიზაციაზე მიმართულ აქტივობებს. ჰაბის ჩართულობა გულისხმობს აქტივობის ფარგლებში გათვალისწინებული პილოტირებისა და სხვადასხვა სახის საჯარო ღონისძიებების დაგეგმვა-განხორციელებაში მონაწილეობას.

⇒ სამუშაო პაკეტი 3

ეხება სამოქალაქო აქტივიზმსა და ჩართულობას, სსო-ებსა და ფართო საზოგადოებას შორის კავშირების განმტკიცებას და მოიცავს სამოქალაქო ღირებულებების პოპულარიზაციის კამპანიას („ეს ქვეყანა შენია“), აქტივიზმისა და მოხალისეობის პოპულარიზაციისკენ მიმართულ ღონისძიებებს სპეციფიკურ ჯგუფებში (მოსწავლეები, სტუდენტები, მასწავლებლები), ასევე სათემო კავშირების მხარდაჭერას. ჰაბის ჩართულობა გულისხმობს ცალკეული ღონისძიებების ორგანიზება-განხორციელებაში მონაწილეობას, სამიზნე ჯგუფებთან მუშაობასა და მათ მობილიზებას.

⇒ სამუშაო პაკეტი 4

ეხება სამოქალაქო აქტორების (სსო-ები, სათემო კავშირები, საინიციატივო ჯგუფები და ა.შ.) გაძლიერებას და მოიცავს შესაძლებლობების განვითარებაზე ორიენტირებულ მრავალფეროვან ღონისძიებებს. ჰაბის ჩართულობა გულისხმობს ცალკეული ღონისძიებების (მაგ.: ტრენინგები) ორგანიზება-განხორციელებაში მონაწილეობას, სამიზნე ჯგუფებთან მუშაობასა და მათ მობილიზებას.

⇒ სამუშაო პაკეტი 5

ეხება სამოქალაქო საზოგადოების სტრუქტურისა და ქსელების გაძლიერებას და ამ პაკეტის მთავარი მიზანი სწორედ ჰაბების მხარდაჭერაა. თუმცა, ამის გარდა, გათვალისწინებულია სხვადასხვა ქსელების (მაგ.: ახლაგაზრდები, სსო-ები) მხარდაჭერა და ეროვნული ღონისძიებების ორგანიზება, სადაც სამოქალაქო საზოგადოების რეგიონულ აქტორებს

ეროვნულ პოლიტიკაზე გავლენის მოხდენის შესაძლებლობა ექნებათ. ჰაბის ჩართულობა გულისხმობს ამ სტრუქტურების საკუთარ რეგიონში მხარდაჭერას, ცალკეული ღონისძიებების (კონფერენციები, სამუშაო შეხვედრები) ორგანიზება-განხორციელებაში მონაწილეობას, სამიზნე ჯგუფებთან მუშაობასა და მათ მობილიზებას.

აღსანიშნავია, რომ თითქმის ყველა სამუშაო პაკეტში გათვალისწინებულია **ქვეგრანტების კომპონენტი**. შესაბამისად, ჰაბი აქტიურად იქნება ჩართული საგრანტო კონკურსების შესახებ საკუთარ რეგიონში ინფორმაციის გავრცელებასა და უკუკავშირის უზრუნველყოფაში.